

4 мая 2026. Понедельник.

Сщмч. Ианнуарий и с ним, Мч. Феодор.

Утренняя (приходская)

«Бог Господь»

Тропарь воскресный, глас 3

Да веселятся небесная,/ да радуются земная,/ яко сотвори державу/ мышцею Своею Господь,/ попра смертью смерть,/ первенец мертвых бысть;/ из чрева адова избави нас,// и подаде миру велию милость. **(Дважды)**

Слава Отцу, и Сыну, и Святому Духу, и ныне, и присно, и во веки веков. Аминь.

Тя, ходатайствовавшую спасение рода нашего, воспеваем, Богородице Дево: плотию бо, от Тебе восприятою, Сын Твой и Бог наш, Крестом восприим Страсть, избави нас от тли, яко Человеколюбец.

Воскресная песнь после Евангелия

Воскресение Христово видевше,/ поклонимся Святому Господу Иисусу,/ единому безгрешному./ Кресту Твоему поклоняемся, Христе,/ и святое Воскресение Твое поем и славим:/ Ты бо еси Бог наш,/ разве Тебе иного не знаем,/ имя Твое именуем./ Приидите вси вернии,/ поклонимся Святому Христову Воскресению:/ се бо прииде крестом радость всему миру./ Всегда благословяще Господа,/ поем

4 мая 2026. Понедельник. Сщмч. Ианнуарий и с ним, Мч. Феодор.

Воскресѣние Егѡ:/ распя́тие бо претерпѣв,// смѣртию смерть разруши́.

Канон

Песнь 1

Канон в Неделю 4-я по Пасхе, о разслабленном. Глас 3.

Ирмос, глас 3: Дивно, славно творяи чудеса./ Ты еси, Боже, бездну оземленивый,/ и колесницы потопивый,/ и люди спасый поющия Тебе,// яко Царю нашему и Богу.

Песнь 3

Канон в Неделю 4-я по Пасхе, о разслабленном. Глас 3.

Ирмос, глас 3: Неплодная душе и безчадная,/ стяжи плод благославный, веселящися возопий:/ утвердихся Тобою Богородице,/ несть свят, несть праведен,// паче Тебе Господи.

Катавасия

Ирмос, глас 4: Твоя песнословцы, Богородице,/ живый и независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби.

Песнь 4

Канон в Неделю 4-я по Пасхе, о разслабленном. Глас 3.

Ирмос, глас 3: Приосененную гору,/ Аввакум прозряше пречистую Твою утробу, Чистая./ Тем взываше: от юга приидет Бог,// и Святыи от горы приосененныя чащи.

Песнь 5

4 мая 2026. Понедельник. Сщмч. Ианнуарий и с ним, Мч. Феодор.

Канон в Неделю 4-я по Пасхе, о расслабленном. Глас 3.

Ирмос, глас 3: Светом Твоим невечерним, Христе,/ озари, Боже, смиренную мою душу,/ и настави на страх Твой,// зане свет повеления Твоя.

Песнь 6

Канон в Неделю 4-я по Пасхе, о расслабленном. Глас 3.

Ирмос, глас 3: Глубина страстей воста на мя,/ и буря противных ветров:/ но предварив мя Ты спаси, Спасе, и избави от тли,// яко спасл еси от зверя пророка.

Катавасия

Ирмос, глас 4: Божественное сие и всечестное/ совершающе празднество,/ Богомудрии, Богоматере,/ приидите, руками восплешим,// от Нея рождшагося Бога славим.

Песнь 7

Канон в Неделю 4-я по Пасхе, о расслабленном. Глас 3.

Ирмос, глас 3: Пламень оросивый пещный,/ и отроки неопалимы спасый,/ благословен еси во веки,// Господи Боже отец наших.

Песнь 8

Канон в Неделю 4-я по Пасхе, о расслабленном. Глас 3.

Ирмос, глас 3: Ангельми немолчно в вышних славимаго Бога,/ небеса небес, земля и горы, и холми, и глубина,/ и весь род человеческий,/ песньми Того, яко Создателя и Избавителя// благословите и превозносите во вся веки.

Катавасия

4 мая 2026. Понедельник. Сщмч. Ианнуарий и с ним, Мч. Феодор.

Ирмос, глас 4: Отроки благочестивыя в печи/ Рождество Богородичо спасло есть./ Тогда убо образуемое,/ ныне же действуемое/ вселенную всю воздвизает пети Тебе:/ Господа пойте, дела,// и превозносите Его во вся веки.

Песнь 9

Канон в Неделю 4-я по Пасхе, о разслабленном. Глас 3.

Ирмос, глас 3: На Синайстей горе виде Тя в купине Моисей,/ неопально огонь Божества заченшую во чреве:/ Даниил же Тя виде, гору несекому:/ жезл прозябший, Исаиа взываше,// от корене Давидова.

Катавасия

Ирмос, глас 4: Всяк земнородный/ да взыграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,// Чистая Приснодево.

Хвалитны

Псалом 148

Чтец: Хвалите Гóспода с Небés. Тебé подобáет песнь Бóгу. Хвалите Гóспода с Небés, хвалите Егó в вýшних. Тебé подобáет песнь Бóгу. Хвалите Егó, вси Ангели Егó, хвалите Егó, вся Сýлы Егó. Тебé подобáет песнь Бóгу. Хвалите Егó, сóлнце и луна́, хвалите Егó, вся звéзды и свет. Хвалите Егó, небеса́ небés, и вода́, яже превýше небés, да восхва́лят ýмя Госпóдне. Яко Той рече́, и бýша, Той повелé, и создáшася. Поста́ви я в век и в век вéка, повелéние положи́, и не мýмо йдет. Хвалите Гóспода от земли́, змýеве и вся бéздны, огонь, град, снег, гóлоть, дух бýрен, творя́щая слóво Егó, гóры и вси хóлми, дрéва плодонóсна и вси кéдри, звéрие и вси скóти, га́ди и птýцы перна́ты, ца́рие зéмстии и вси лю́дие, князи и вси судий

4 мая 2026. Понедельник. Сщмч. Ианнуарий и с ним, Мч. Феодор.

зѣмсти, юноши и дѣвы, старцы с юнотами да восхвалят имя Господне, яко вознесѣся имя Того Единого. Исповѣдание Его на земли и на Небесѣх, и вознесѣт рог людѣх Своих. Песнь всем преподобным Его, сыновом Израилевым, людем, приближающимся Ему.

Псалом 149

Воспойте Господеву песнь нову, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царѣ своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих и вознесѣт кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их пуги, и славы их ручными окovy железными.

На 6: Сотворити в них суд написан, слава сия будет всем преподобным Его.

Хвалите Бога во святых Его, хвалите Его во утвержении силы Его.

Понедельник 4-й седмицы по Пасхе на 4, глас 3

Канонарх: На 4: Хвалите Его на силах Его.

Лик: хвалите Его по множеству величества Его.

Приидите вси языцы,/ уразумейте страшныя тайны силу:/ Христос бо Спас наш,/ еже в начале Слово,/ распятся нас ради, и волею погребесе,/ и воскресе из мертвых, еже спасти всяческая:// Тому поклонимся.

Канонарх: Хвалите Его во гласе трубнем.

Лик: хвалите Его во псалтири и гуслах.

Приидите вси языцы,/ уразумейте страшныя тайны силу:/ Христос бо Спас наш,/ еже в начале Слово,/ распятся нас ради, и волею погребесе,/ и воскресе из мертвых, еже спасти всяческая:// Тому поклонимся.

Канонарх: Хвалите Его в тимпане и лице.

Лик: хвалите Его во струнах и органе.

Множицею песнопение совершая,/ обретохся грех исполняя,/ языком убо пение вещая,/ душою же безместная помышляю:/ но обоя исправи Христе Боже покаянием,// и помилуй мя.

Канонарх: Хвалите Его в кимвалех доброгласных, хвалите Его в кимвалех восклицания.

Лик: Всякое дыхание да хвалит Господа.

Святых страстотерпец память,/ приидите людие вси почтим:/ яко позор бывше ангелом и человеком,/ победы венец от Христа прияша,// и молятся о душах наших.

Слава и ныне, глас 1. Слава Отцу, и Сыну, и Святому Духу.

Лик: И ныне, и присно, и во веки веков. Аминь.

Непогребен мертвец сый расслабленный,/ видев Тя возопи:/ помилуй мя Господи, яко одр мой гроб мне бысть./ что ми приобретение живота?/ Не требую Овчия купели:/ не имам бо никогоже влагающа мя, возмущающимся водам:/ но Тебе источнику прихожду исцелений,/ да и аз со всеми вопию:// всесильне Господи, слава Тебе.

Стихиры на стиховне

Понедельник 4-й седмицы по Пасхе на 3

Канонарх: Глас 3. Знамений и чудес видяще силу.

Знамений и чудес видяще силу,/ завистию расслабленнии и сильнии злобою не вероваху,/ яко Ты еси Сын Божий и Строитель всех,// и расслабленного здрава показавый словом.

Стих: Милости Твоя Господи./

во век воспою.

Видевше суббот хранителие,/ расслабленнаго стягнута в субботу, и душею омрачахся:/ и не подобает в субботу целити, и сквернити субботу,// негли яко законнии книжницы, вопияху.

Стих: Яко рекл еси./

в век милость созиждется.

Суббот самодетеля не введуще Тя и Господа,/ субботы хранящии, о расслабленнаго стягнутии роптаху,/ в субботу бывшем, яко не добро, глаголюще,// взяти одр в день субботный.

Слава и ныне, глас 5. Сла́ва Отцу́, и Сы́ну, и Свято́му Ду́ху.

и ны́не, и прѣсно, и во ве́ки веко́в. Ами́нь.

Взыде Иисус во Иерусалим на Овчую купель,/ глаголемую иудейски Вифесда,/ пять притворов имущую,/ в тех бо слезаше множество немощствующих:/ Ангел бо Божий по вся лета сходя, возмущаше ю,/ и здравие подаваше приступающим верою./ И видев Господь многовременна человека, глаголет к нему:/ хочещи ли здрав быти?/ Немощствуяй отвещаваше:/ Господи, человека не имам, да егда возмутится вода, ввержет мя в купель:/ врачом издах все имение мое, и милости уллучити не сподобихся./ Но Врачъ душ и телес глаголет к нему:/ возми твой одр и ходи,// проповедуя Мою силу, и велию милость в концех.

Тропари в конец Утрени

Глас 3: Да веселятся небесная,/ да радуются земная,/ яко сотвори державу/ мышцею Своею Господь,/ попра смертью смерть,/ первенец мертвых бысть;/ из чрева адова избави нас,// и подаде мирови велию милость.

Слава Отцу, и Сыну, и Святому Духу, и ныне, и присно, и во веки веков. Аминь.

Глас 3: Тя, ходатайствовавшую спасение рода нашего,/ воспеваем, Богородице Дево:/ плотию бо, от Тебе восприятою, Сын Твой и Бог наш,/ Крестом восприим Страсть,// избави нас от тли, яко Человеколюбец.

1-й час

Тропарь воскресный, глас 3

Да веселятся небесная, да радуются земная, яко сотвори державу мышцею Своею Господь, попра смертью смерть, первенец мертвых бысть; из чрева адова избави нас, и подаде мирови велию милость.

Кондак в Неделю о расслабленном, глас 3

Душу мою, Господи, во гресех всяческих, и безместными деяньми люте расслаблену, воздвигни Божественным Твоим предстательством, якоже и расслабленнаго воздвигл еси древле, да зову Ти, спасаемь: Щедрый, слава Христе, державе Твоей.

Лик: Глас 8: Аще и во гроб снизшел еси Безсмертне,/ но адову разрушил еси силу, и воскресл еси яко победитель Христэ Бóже,/ женам миронóсицам вещавый, радуйтесь:/ и Твоим апóстолом мир даруяй,// падшим подай воскресение.